

ԴԻՐՔՈՐՈՇՈՒՄ

ԻՐԱԿԼԻ ՂԱՐԻԲԱՇՎԻԼԻ. «ԻՄ ԴԵԿԱՎԱՐԸ ԵՎՐԱՊԱՏԳԱՄԱՎՈՐԸ ԶԷ, ԻՄ ԴԵԿԱՎԱՐԸ ԺՈՂՈՎՈՒՐՆ Է»

ՎՐԱՍՏԱՆԸ ՀՐԱԺԱՐՎԵՑ ԵՎՐԱՄԻՈՒԹՅԱՆ 75 ՄԻԼԻՈՆ ԵՎՐՈ ՕԳՆՈՒԹՅՈՒՆՆԵՐ

Վրաստանի կառավարությունը հրաժարվեց Եվրամիության 75 միլիոն եվրո օգնությունից: Ինչպես պարզաբանեց վարչապետ Իրակլի Դարիբաշվիլին, հատուկ պայմաններով փոխանցվելիք 75 մլն եվրո օգնությունը ստանալուց հրաժարվելու որոշում է կայացվել այն պատճառով, որ երկրի տնտեսությունը զարգանում է, բյուջեում գումար ունենք եւ լրացուցիչ պարտք կուտակելու կարիք չկա:

Վրաստանում Եվրամիության ներկայացուցչության ղեկավարի ժամանակավոր պաշտոնակատար Ջուլիեն Կրամպի հայտարարությամբ՝ 150 մլն եվրոյի մակրոֆինանսական օգնությունը, որի կեսն արդեն փոխանցվել է, նպատակ ուներ օգնել Վրաստանի բնակչությանը համաճարակի դեմ պայքարում: Եվրախորհրդարանի պատ-



(Շարունակությունը՝ 2-րդ էջում)

ԿՐԹԱԿԱՆ

ՎՐԱՍՏԱՆՈՒՄ ՍԵՊՏԵՄԲԵՐԻ 15-ԻՅ ՄԵԿՆԱՐԿՈՂ ՈՒՍՏԱՐԻՆ ՄԻՆԶԵՎ ՀՈԿՏԵՄԲԵՐԻ 4-Ը ԿԱՆՅԱՅՎԻ ՀԵՌԱՎԱՐ

Օգոստոսի 31-ին, Վրաստանի վարչապետ Իրակլի Դարիբաշվիլու նախագահությամբ անցկացված միջգերատեսչական համակարգող խորհրդի նիստում, ընդունվեց որոշում, ըստ որի, դպրոցներում ուսումնական գործընթացը հեռավար կարգով կվերսկսվի սեպտեմբերի 15-ից եւ կտեւի մինչեւ հոկտեմբերի 4-ը: Որոշումը կկիրառվի նաեւ բարձրագույն եւ արհեստագործական դպրոցների նկատմամբ:

Վրաստանի կրթության եւ գիտության նախարար Սիլվեստր Զիսենկելին, մեկնաբանելով համակարգող խորհրդի վերոնշյալ որոշումը՝

մը, նշեց, որ հոկտեմբերի 4-ից դասարաններում եւ լսարաններում ուսումնական գործընթացը կվերսկսվի այն քաղաքում կամ գյուղում, որտեղ վարակի մակարդակը կլինի չորս տոկոսից ցածր: Ինչպես գիտեք, պետական եւ մասնավոր մանկապարտեզները չեն աշխատի մինչեւ հոկ-

(Շարունակությունը՝ 3-րդ էջում)

ՏԵՂԱԿԱՆ ԸՆՏՐՈՒԹՅՈՒՆՆԵՐ

ԽՈՐՀՐԴԱՐԱՆԸ ՄԵԿ ԱՄՍՈՎ ԴԱԴԱՐԵՅՆՈՒՄ Է ԱՇԽԱՏԱՆՔԸ

Ինքնակառավարման մարմինների ընտրությունների պատճառով խորհրդարանը մեկ ամսով կդադարեցնի իր գործունեությունը:

Այդ մասին սեպտեմբերի 1-ի բյուրոյի նիստին հայտարարեց խորհրդարանի նախագահ Կախա Կուճալան, լիազուար նիստերը կանցկացվեն սեպտեմբերի 7-8-ը, որից հետո գործունեությունը ժամանակավորապես կդադարեցվի:

Ըստ խոսնակի, սեպտեմբերին նախատեսված էր արդարադատության եւ արտաքին գործերի նախարարների լուսնը, որոնք կիետաձգվեն եւ օրենսդիր մարմինը նախարարներին կլսի ինքնակառավարման մարմինների ընտրություններից հետո:



Ըստ կանոնակարգի, խորհրդարանը սովորաբար դադարեցնում է օրենսդիր գործունեությունը ընտրություններից մեկ ամիս առաջ:

(Խորհրդի շարունակությունը՝ 4-րդ էջում)

«ՎՐԱՍՏԱՆԸ» 100 ՏԱՐԵԿԱՆ Է

ՇՆՈՐՀԱՎՈՐ ՏՈՆԴ, «ՎՐԱՍՏԱՆ»



ԼԱՇԱ ԴԱՐՍԱՆԻԱ

Այս տարի լրացավ Վրաստանում լույս տեսնող հայալեզու «Վրաստան» («Սաքարթվելո») թերթի 100-ամյակը, ինչը մշակակալի իրադարձություն է ինչպես մեր երկրի հայ հասարակության, այնպես էլ՝ ողջ Վրաստանի համար:

Անձամբ ես առաջին անգամ «Վրաստանի» հետ առնչվեցի հաշտեցման եւ քաղաքացիական իրավահավասարության պետնախարարությունում աշխատելիս: Այդ ժամանակ էլ համոզվեցի, որ «Վրաստանը» իր գործունեությամբ իրականացնում է տասնամյակներ առաջ ստանձնած առաքելությունը:

(Շարունակությունը՝ 5-րդ էջում)

ՄԵԿԱՎՐՅԱ ՀՈԲԵՆՅԱՆԴ ՇՆՈՐՀԱՎՈՐ

Արդեն շատ տարիներ է, ինչ կապված եմ դեռ «Սովետական Վրաստան», այժմ «Վրաստան» թերթի հետ: Եվ այդ կապվածությունը պայմանավորված էր պատերազմի վետերան հայրիկիս՝ թերթի հանդեպ ունեցած մեծ սիրով, որ սերմանել էր նաեւ զավակների մեջ: Դեռ Ախալքալաքիի Սուլդա գյուղում իմ դպրոցական տարիներից եմ հիշում «Վրաստանը», ընտանիքս նրա հավատարիմ բաժանորդագիրն էր: Թբիլիսիում ամուսնանալուց հետո, թերթն «իմն հետ բերեցի» ու, շարունակելով հայրիկիս պատգամը, սկսեցի այն սիրել տալ իմ երեխաներին ու թոռներին:



ՍՎԵՏԼԱՆԱ ՎԱՐԴԻԿՅԱՆ

(Շարունակությունը՝ 5-րդ էջում)

ԵՎՐԱՄԻՆՏԵԳՐՈՒՄ

ԲՈԼՈՐ ԴԱՐՏԱՎՈՐՈՒԹՅՈՒՆՆԵՐԸ ԿԿԱՏԱՐՎԵՆ, ԿԱՆՅԱՅՎԵՆ ԹԱՓԱՆՅԻԿ ԲԱՐԵՓՈԽՈՒՄՆԵՐ

Վրաստանի վարչապետ Իրակլի Դարիբաշվիլին, մեկնաբանելով Վրաստան-Եվրամիություն հարաբերությունների կապակցությամբ Վրաստանի ստանձնած պարտավորությունների հարցը, հայտարարեց, որ արդեն իսկ իրացվել է պարտավորությունների մի մասը եւ, մի քանիսը, որոնք, իհարկե, Վրաստանի կառավարությունը կիրականացնի:

Նրա խոսքով, բոլոր պարտավորությունները կկատարվեն առանց որեւէ պայմանավորվածության:

- Կարծիքների տարբերություն ու անհամաձայնություն կար դիքորոշումների մեջ: Մասնավորապես, այդ յոթ կետերից վեցն արդեն կատարվել են, մեկը շատ շուտով կկատարվի: Այն, ինչ ասել ենք, ինչ անում ենք, մնացածը պարզապես քաղաքական շահարկումներ են:



Հետեւաբար, մենք պատրաստվում ենք հնարավորինս թափանցիկ շարունակել բարեփոխումները, եւ, ըստ էության, բոլոր պարտավորությունները, բնականաբար, կկատարվեն, որի մասին մենք հայտարարել ենք,- ասել է Իրակլի Դարիբաշվիլին:

Հետեւաբար, մենք պատրաստ

ՎՐԱՍՏԱՆ-ԱՄՆ

«ԱՄԵՐԻԿԱՆ ՄՇԱԿՈՒԹԱՅԻՆ ԿԵՆՏՐՈՆ» ԹԲԻԼԻՍԻՈՒՄ

Սեպտեմբերի 3-ին Թբիլիսի «Ռեդիսոն» հյուրանոցում կայացավ «Ամերիկյան մշակութային կենտրոնի» բացման պաշտոնական արարողությունը:

Հանդես գալով միջցառմանը՝ Վրաստանում ԱՄՆ արտակազ եւ լիազոր դեսպան Քեյլի Դեզնանը հայտարարեց, որ Վրաստանում «Ամերիկյան մշակութային կենտրոնի» բացումը շատ կարեւոր է ամերիկացի ու վրացի ժողովուրդներին մերձեցնելու առումով: Սույն նախաձեռնությունը նոր հնարավորություն է Վրաստան-ԱՄՆ գործընկերությունն առավել ամրապնդելու համար:

- Սա իսկապես ֆանտաստիկ իրադարձություն է եւ ամերիկյան մշակութային կենտրոն բացելու

ֆանտաստիկ նախաձեռնություն, ինչը կարելի է քանի որ այն ավելի կմոտեցնի ամերիկացիներին ու վրացիներին: Մենք ունենք շատ ընդհանուր շահեր, ինչը շատ ավել է: Սա նոր հնարավորություն է՝ է՛լ ավելի ամրապնդելու մեր գործընկերությունը, որը գոյություն ունի տարիներ շարունակ: Այս կենտրոնի աջակցությամբ անգլերենի կենտրոններն ու դասարաններն ավելի կամրապնդվեն, եւ, բնականաբար, դա կընդգրկի ողջ Վրաստանը,- հայտարարեց Քեյլի Դեզնանը:

COVID - 19

ՀԱՄԱԿԱՐԱԿԱՅԻՆ ԻՐԱՎԻՃԱԿԸ ՀԱՄԵՄՏԱԲԱՐ ԿԱՅՈՒՆԱՆՈՒՄ Է, ԲԱՅՅ ԴՐՈՒԹՅՈՒՆԸ ՄՆՈՒՄ Է ՎՏԱՆԳԱՎՈՐ

ԴԱՇՏԴԱՆԻԶ ԴԻՍԱԿ ԿՐԵԼՆ ՈՒ ԴԱՏՎԱՍՏՎԵԼԸ ԱՌԱՋԱՀԵՐԹԱՅԻՆ ԵՆ

Օգոստոսի 31-ին միջգերատեսչական համակարգող խորհրդի հերթական նիստին Վրաստանի վարչապետ Իրակլի Դարիբաշվիլին, անդրադառնալով համավարակային իրավիճակի թեմային, հայտարարեց, որ որոշակի կայունացման մշաններ են նկատվում, սակայն դա չպետք է մեզ խրախուսի, չպետք է թուլանանք, պաշտպանիչ դիմակն ու պատվաստումը կարելի է:

Վարչապետի խոսքով, կառավարությունը ուշադիր հետեւում է համաճարակային իրավիճակին, այն համեմատաբար կայունացել է վերջին օրերին, եւ գործընթացը կարծես հանդարտվում է, բայց, իհարկե, մենք չպետք է թուլանանք ու պետք է շարունակենք հնարավորինս մոբիլիզացված

աշխատանքը:

Վարչապետը քաղաքացիներին կոչ արեց ակտիվ պատվաստվել:

(Շարունակությունը՝ 6-րդ էջում)



ԴԻՐՔՈՐՈՇՈՒՄ

ԻՐԱԿԼԻ ՂԱՐԻԲԱՇՇՎԻԼԻ. «ԻՄ ՂԵԿԱՎԱՐԸ ԵՎՐԱՊԱՏԳԱՄԱՎՈՐԸ ԶԷ, ԻՄ ՂԵԿԱՎԱՐԸ ԺՈՂՈՎՈՒՐՆ Է»

ՎՐԱՍՏԱՆԸ ՀՐԱԺԱՐՎԵՑ ԵՎՐԱՄԻՈՒԹՅԱՆ 75 ՄԻԼԻՈՆ ԵՎՐՈ ՕԳՆՈՒԹՅՈՒՆՆԻՑ

(Սկիզբը՝ 1-ին էջում)

գամավորի խոսքով, Վրաստանի կառավարությունը չի կատարել ԵՄ միկրոֆինանսավորման աջակցության երկրորդ մասը ստանալու պայմանները, եւ հետեւաբար չի կարող հրաժարվել այն բանից, ինչ ստանալու իրավունք չունի:

- Մենք հարգում ենք Վրաստանի իշխանության որոշումը՝ միաժամանակ նշելով, որ Վրաստանը չի կարողացել բավարարել մակրոֆինանսական օգնություն ստանալու պայմանները եւ, մասնավորապես, բարձ-

րացնել դատական իշխանության անկախությունը, հաշվետվողականությունը ու որակը,- հայտարարել է Կրամայը:

Նրա խոսքով, ԵՄ-ը կոչ է անում Վրաստանի իշխանությանը կատարել բարեփոխումների վերաբերյալ իր պարտավորությունները, այդ թվում՝ արդարադատության ոլորտում վրաց ժողովրդի շահերից ելնելով, եւ ԵՄ-Վրաստան ապագա հարաբերությունների համար:

Մեկնաբանելով եվրապատգամավորի հայտարարությունը՝ Իրակլի Ղարիբաշվիլին նշեց, որ եվրապատգամավոր-

ները չպետք է մակերեսային հայտարարություններ անեն:

- Եթե նրանք շահագրգռված են պարզել իրավիճակն ու գործի էությունը, ապա պետք է պարզեն եւ ոչ թե մակերեսային հայտարարություններ անեն: Ինձ չի հետաքրքրում, թե ով ինչ է ասել, ես ասում եմ մեր ժողովրդին, որ դա վարկ էր, եւ մենք հրաժարվեցինք լրացուցիչ վարկեր վերցնելուց,- հայտարարեց Իրակլի Ղարիբաշվիլին եւ հավելեց, որ իր ղեկավարը եվրապատգամավորը չէ, այլ՝ ժողովուրդը:

ՍԱԼՈՍԵ ԶՈՒՐԱԲԻՇՎԻԼԻ. «ԿԱՌԱՎԱՐՈՒԹՅՈՒՆԸ ՊԱՏԱՍԽԱՆԱՏՈՒ Է ԱՐԴԱՐ ԸՆՏՐՈՒԹՅՈՒՆՆԵՐԻ ԱՆՅԿԱՅՄԱՆ, ԻՍԿ ԸՆԴԴԻՄՈՒԹՅՈՒՆԸ՝ ԱՊԱԿԱՅՈՒՆԱՅՈՒՄ ԹՈՒՅԼ ՉՏԱԼՈՒ ՀԱՄԱՐ»

Վրաստանի նախագահ Սալոմե Զուրաբիշվիլին, մեկնաբանելով Եվրամիությունից 75 միլիոն եվրո վարկից Վրաստանի կառավարության հրաժարվելու փաստը, նշեց, որ դա պետք է չվտանգի երկրի ռազմավարական կուրսը եւ եվրահիստեգրման միտումը:

- Ճիշտ է, իշխանությունները իրավունք ունեն հրաժարվել ցանկացած վարկից, բայց վարկի հետ ստորագրված փաստաթղթերի նկատմամբ փոփոխվող դիրքորոշումը, միակողմանի, չբացատրված որոշումները, կարող են ազդել երկրի ապագա վարկանիշի, ինչպես նաեւ օտարերկրյա ներդրողների տրամադրության վրա: Համոզված եմ, որ տնտեսական մեկուսացումը, որն այսօր անհասանելի է մոլորակի աշխարհի հարուստ երկրների եւ վտանգավոր պատրանք է մեզ՝ որպես փոքր երկրի համար, հիմնված չէ այս որոշումների վրա: Այնուամենայնիվ, պետք է զգույշ լինել, որպեսզի մեզնից բնակչության մոտ կեղծ ընկալումներ չներշնչի: Չկա այլընտրանք Եվրամիության համերաշխությանը եւ գործընկերությանը, որը բնակչության 80 տոկոսը ոչ միայն հասկանում է, այլեւ կիսում,- ասել է Սալոմե Զուրաբիշվիլին:

Անդրադառնալով «Ազգային շարժման» կողմից Շառլ Միշելի միջնորդությամբ մշակված պայմանագրի ուշացած ստորագրման հարցին՝ Վրաստանի նախագահը հայտարարեց, որ կանի հնարավորինը, որպեսզի ոչ ոք՝ ո՛չ իշխանությունը, ո՛չ ապակառուցողական ընդդիմությունը, որն այսօր կտիաբար ստորագրում է փաստաթուղթը, մինչդեռ վեց ամիս խաբխուրում

էր այդ գործընթացը, եւ դրանով իսկ վտանգում էր երկրի ռազմավարական շահերը:

Նրա խոսքով, մեկը պատասխանատվություն է կրում արդար ընտրություններ անցկացնելու, իր պարտավորությունները կատարելու եւ երկրում վստահություն հաստատելու, իսկ մյուսը ապակայունացում հրահրելու համար:

- Իմ դերը շատ պարզ է այս իրավիճակում: Ես կանգնած եմ եւ կկանգնեմ Վրաստանի եվրոպական ընտրության կողքին: Իմ դիրքորոշումն անփոփոխ է: Ես հավատարիմ եմ այն ամենին, ինչը պաշտպանել եմ առաջին օրվանից՝ հասարակության միասնություն, ապաբեւեռացում, երկրի միավորում, քաղաքական ժողովրդավարություն եւ եվրոպական ապագա»,- հայտարարեց Սալոմե Զուրաբիշվիլին:



ԿՈՒՍԱԿՑԱԿԱՆ

«ԱԶԳԱՅԻՆ ՇԱՐՇՈՒՄԸ» ԶՈՐՍ ԱՄՍՎԱ ԶԳՁԳՈՒՄԻՅ ՀԵՏՈ ՄԻԱՅԱԿ ՇԱՌԼ ՄԻՇԵԼԻ ՄԻՋՆՈՐԴՈՒԹՅԱՄԲ ԶԵՎԱԿԵՐՊՎԱԾ ՀԱՄԱՁԱՅՆԱԳՐԻՆ

«ԵՐԱՁԱՆՔԸ» ՀԱՄԱՁԱՅՆԱԳՐԻՑ ԴՈՒՐՍ ԵԿԱՎ, «ԱԶԳԱՅԻՆԸ»՝ ՄԻԱՑԱԿ, ԻՆՉՊԵՍ ԿԶԱՐԳԱՆԱՆ ԻՐԱԴԱՐՁՈՒԹՅՈՒՆՆԵՐԸ

Սեպտեմբերի 1-ին «Միասնական ազգային շարժման» նախագահ Նիկա Մելիան ու կուսակցության անդամները ստորագրեցին Եվրոպայի խորհրդի նախագահ Շառլ Միշելի միջնորդությամբ ձևակերպված համաձայնագիրը: Ստորագրման արարողությունը անցկացվեց Վրաստանում եվրամիության ներկայացուցչությունում:

Հիշեցնենք, որ անցյալ տարվա հոկտեմբերին անցկացված խորհրդարանական ընտրություններից հետո, միացյալ ընդդիմությունը հրաժարվեց ճանաչել ընտրությունների արդյունքները եւ մերժեց իր հասանելիք մանդատները: Ծագած իրավիճակի կարգավորման նպատակով, Եվրոպայի խորհրդի նախագահ Շառլ Միշելի նախաձեռնությամբ մշակվեց փոխզիջման համաձայնագիր, որը ապրիլի 19-ին ստորագրվեց կառավարող կուսակցության՝ «Վրացական երա-

զանքի» եւ ընդդիմադիր մի շարք կուսակցությունների, ինչպես նաեւ առանձին ընդդիմադիր կուսակցություններից դուրս եկած քաղաքագետների կողմից: «Միասնական ազգային շարժումը», «Եվրոպական Վրաստանը», «Լեյբորիստական» կուսակցությունը այն ժամանակ հրաժարվեցին միանալ համաձայնագրին, թեւ իրենց ելույթներում հաճախ էին շահարկում համաձայնագրով «երազանքի» ստանձնած պարտավորությունների կատարման ընթացքը: Այդ ամենի

արդյունքում, հուլիսի 23-ին «Վրացական երազանքը» չեղարկեց փոխհամաձայնեցված համաձայնագիրը՝ հայտարարելով փաստաթղթում նշված բարեփոխումները շարունակելու պատրաստակամության մասին:

Նշենք, որ համաձայնագրին միանալու «Ազգային շարժման» որոշումը ողջունեցին Վրաստանում ԱՄՆ դեսպան Քելի Դեզնանը, Վրաստանում Եվրամիության անդամ երկրների եւ Եվրամիության ներկայացուցիչները:

«ՎՐԱՑԱԿԱՆ ԵՐԱՁԱՆՔԸ» ԶԻ ՎԵՐԱԴԱՌՆԱ ՇԱՌԼ ՄԻՇԵԼԻ ՀԱՄԱՁԱՅՆԱԳՐԻՆ

«ԱԶԳԱՅԻՆ ՇԱՐՇՄԱՆ» ԱՏՈՐԱԳՐՈՒԹՅՈՒՆԸ ՖԱՐՍ Է


Վրաստանի վարչապետ Իրակլի Դարիբաշվիլին, մեկնաբանելով «Ազգային շարժման» կողմից չորսամյա ուշացումով Շառլ Միշելի միջնորդությամբ համաձայնագրի ստորագրումը, հայտարարեց, որ դա ֆարս է:

Նա կտրականապես բացառեց, որ իշխող «Վրացական երազանք» կուսակցությունը կվերադառնա ապրիլի 19-ին Եվրոպական խորհրդի նախագահ Շառլ Միշելի միջնորդությամբ երկրի քաղաքական ճգնաժամը լուծող համաձայնագրին:

- Նրանց ստորագրումն ուժ կունենար, եթե այն տեղի ունենար, երբ բոլորս մեր մեծ ընկերներ Շառլ Միշելի ու ԱՄՆ դեսպանի միջնորդությամբ ձգտում էինք ամեն կերպ հաջողացնել

այդ գործընթացը: Այդ ժամանակ բոլորս ստորագրեցինք՝ հաշվի առնելով առկա բոլոր հանգամանքները: Մինչդեռ նրանք չստորագրելով վիրավորեցին մեր գործընկերներին:

Հաշվի առնելով երկրի շահը՝ մենք 100 օրից ավելի սպասեցինք, սակայն սա մանկապարտեզ չէ, այլ քաղաքականություն: Մենք չեղարկեցինք պայմանագիրը, քանի որ այն ուժ կունենար, եթե երկու կողմերն էլ ստորագրած լինեին,- հայտարարեց Իրակլի Դարիբաշվիլին:



ԱՄՆ-ՈՒԿՐԱԻՆԱ ՆԱԽԱԳԱՐՆԵՐԻ ՀԱՆԴԻՊՄԱՆԸ ՀԱՄԱՁԱՅՆԵՑՎԵՑ ՃԱՆԱՊԱՐԴԱՅԻՆ ՔԱՐՏԵՁԸ

Սեպտեմբերի 1-ին Վաշինգտոնում կայացավ ԱՄՆ նախագահ Զո Բայդենի եւ Ուկրաինայի նախագահ Վլադիմիր Զելենսկու հանդիպումը: Հանդիպմանը երկու երկրների նախագահները համաձայնեցրին երկկողմ հարաբերությունների հստակ օրակարգը, ինչի մասին վկայում է հրապարակված համատեղ հայտարարությունը ռազմավարական գործընկերության վերաբերյալ:

ԹՈՒՐԶԻԱ ԻՇԽՈՂ ԿՈՒՍԱԿՑՈՒԹՅԱՆ ԵՎ ՆԱԽԱԳԱՐԻ ՎԱՐԿԱՆԻՇԵՐԸ ԶԳԱԼԻՈՐԵՆ ՆՎԱՁԵԼ ԵՆ

Թուրքիայում գործող «Եվրասիական հետազոտությունների կենտրոնը», որը հասարակական կարծիքի ուսումնասիրությանը է զբաղվում, ենթադրյալ ընտրությունների վերաբերյալ հարցում է անցկացրել, ինչի արդյունքները ցույց են տալիս, որ իշխող կուսակցության, ինչպես եւ նախագահ Էրդողանի վարկանիշերը զգալի անկում են գրանցել:

Հարցվածների 58,7 տոկոսը գտնում է, որ երկրում պետք է անցկացվեն արտահերթ ընտրություններ, իսկ 30,8 տոկոսը դեմ է արտահերթ ընտրություններին:

Ըստ հարցման արդյունքի, մասնակիցների 34,2 տոկոսը կողմ է արտահայտվել, որ ենթադրյալ արտահերթ ընտրություններում երկրի նախագահ ընտրվի գործող նախագահ Ռեջեփ Թայյիփ Էրդողանը, իսկ 54,9 տոկոսը դեմ է նրան:

Հարցվածների միայն 29 տոկոսն է աջակցություն հայտնել իշխող «Արդարություն եւ զարգացում» կուսակցությանը (ԱԶԿ):

ԱՖՐԱՆՍԱՆ ԴՈՒՐՍ ԲԵՐՎԵՑ ԱՄՆ ՎԵՐՋԻՆ ԶԻՆՎՈՐԸ

ԱՄՆ Զինված ուժերի վերջին ներկայացուցիչն օգոստոսի լույս 31-ի գիշերը հեռացել է Աֆղանստանի տարածքից: Այդ մասին հայտարարեց «Թալիբան» շարժման քաղաքական գրասենյակի ներկայացուցիչ Մուհամադ Սոհայիլ Շահինը:

Նշենք, որ օգոստոսի 30-ին ԱՄՆ Զինված ուժերի կենտրոնական հրամանատարության ղեկավար գեներալ Քենեթ Մակքենզին հայտարարել է, որ ամերիկացիները դուրս են բերել իրենց զորքերն Աֆղանստանից:

ԱՄՆ նախագահ Զո Բայդենն ապրիլի 14-ին հայտարարել է, որ որոշում է ընդունել դադարեցնել գործողությունն այդ երկրում, որը դարձել է ամենաերկարատև արտասահմանյան ռազմարշավն ամերիկյան պատմության մեջ: Այդ պատերազմն սկսվել էր 2001 թվականի հոկտեմբերին:

ԷՍՏՈՆԻԱ ԱԼԱՐ ԿԱՐԻՍԻՆ՝ ԵՐԿՐԻ ՆԱԽԱԳԱՐ

Էստոնիայի խորհրդարանը, երկրորդ քվեարկությունից հետո, երկրի նախագահ ընտրեց Ալար Կարիսին:

Կարիսի թեկնածությունը պաշտպանեց 72 պատգամավոր, թեւ ընտրության համար բավական էր 68 ձայնը:

Կարիսին նախագահի պաշտոնի համար միակ թեկնածուն էր, ում առաջադրել էր բարեփոխումների եւ կենտրոնական կուսակցությունների կողմից:

63-ամյա Ալար Կարիսին կենսաբան է, մինչ այդ զբաղեցնում էր պետական վերահսկողության պետի պաշտոնը, եղել է բնագիտության համալսարանի ռեկտոր, գլխավորում էր Էստոնիայի ազգային թանգարանը:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԿՐԹԱԿԱՆ

ՎՐԱՍՏԱՆՈՒՄ ՄԵՂՏԵՄԲԵՐԻ 15-ԻՅ ՄԵԿՆԱՐԿՈՂ ՈՒՍՏԱՐԻՆ ՄԻՆՉԵՎ ՀՈԿՏԵՄԲԵՐԻ 4-Ը ԿԱՆՅԿԱՅՎԻ ՀԵՌԱՎԱՐ

(Սկիզբը՝ 1-ին էջում)

տեմբերի 4-ը: Իհարկե, հոկտեմբերի 4-ին կանդիդատանք այս հարցին: Ինչ վերաբերում է դպրոցներին, արհեստագործական քոլեջներին եւ բարձրագույն ուսումնական հաստատություններին, ապա այդ հաստատությունները մինչեւ հոկտեմբերի 4-ը կաշխատեն հեռավար կարգով: Ուսումնական գործընթացը, կսկսվի սեպտեմբերի 15-ին հեռավար կարգով, որը կտեսի մինչեւ հոկտեմբերի 4-ը: Ինչ վերաբերում է նրան, թե ուսումնական գործընթացը ինչպես կշարունակվի հոկտեմբերի 4-ից հետո, ապա կայացված

որոշման համաձայն, այն քաղաքում կամ գյուղում, որտեղ վարակվածության մակարդակը 4 տոկոսից ցածր կլինի, կրթությունը կվերսկսվի առկա կարգով: Իսկ այն քաղաքներում եւ գյուղերում, որտեղ ցուցանիշը 4 տոկոսից բարձր կլինի՝ կշարունակվի հեռավար, ասաց Միխեիլ Չխենկելին:

Անդրադառնալով ուսուցիչների պատվաստման գործընթացին, նախարարը հայտարարեց, որ պատվաստված ուսուցիչների թիվն օրեցօր ավելանում է:

- Պատվաստման մակարդակը բարձր է ոչ միայն նախարարությունում, այլեւ բուհերում եւ հանրակրթական հաս-

տատություններում: Վերջին մեկ ամսվա ընթացքում պատվաստված ուսուցիչների թիվը 9 տոկոսից հասել է 46 տոկոսի, եւ նրանց թիվն օրեցօր աճում է, ընդգծեց Միխեիլ Չխենկելին եւ հավելեց, որ դպրոցներում կրթական ծրագիրը սկսելու վերաբերյալ առաջարկությունը կտրվի միայն այն դեպքում, եթե ուսուցիչների 80 տոկոսը պատվաստվի կորոնավիրուսի դեմ: Ավելացնեք, որ մինչեւ հոկտեմբերի 4-ը չեն գործի նաեւ



նախադպրոցական հաստատությունները: Խոսքը վերաբերում է ինչպես պետական, այնպես էլ՝ մասնավոր մանկապարտեզներին:

ՍՈՑԻԱԼԱԿԱՆ

ՕԳՈՍՏՈՍԻՆ ՎԱՐՁՈՒ ԱՇԽԱՏՈՂՆԵՐԻՆ ՏՐՎԵԼ Է 200 ԼԱՐԻԻ ՓՈԽՅԱՏՈՒՑՈՒՄ

Վրաստանի զբաղվածության խթանման գործակալության հաղորդագրության համաձայն, ավարտվեց համավարակի երկրորդ ալիքի հետեւանքով աշխատանքի զրկված քաղաքացիների նպատակային, հակաճգնաժամային ծրագրով հաշվի առնված փոխհատուցման տրամադրումը: Այս փոխհատուցումը վերաբերել է միայն առանց աշխատանքի մնացած Վրաստանի քաղաքացիներին:

«Ներկա դրությամբ օգոստոս ամսվա 200 լարի փոխհատուցման գումարը հաշվարկվել է 6 979 անձի՝ 1 395 800 լարիի չափով: Տեղեկության համար, ընթացիկ տարվա հունվարին փոխհատուցման գումարը փոխանցվել է 106 389 անձի՝ 21 277 800 լարիի չափով: Փետրվարին՝ 140 029 անձ՝ 28 005 800 լարիի չափով. մարտին՝ 130 683

անձ՝ 26 136 600 լարիի չափով: Ապրիլին 200 լարի վճարվել է 120 496 անձանց՝ 24 099 200 լարիի չափով: Ինչ վերաբերում է մայիս ամսին՝ 109 086 անձ՝ 21 817 200 լարիի չափով, իսկ 200 լարի օգնությունը հունիսին փոխանցվել է 102 665 անձի՝ 20 533 000 լարիի չափով: Հուլիսին փոխհատուցում է վճարվել 22 789 անձի՝ 4 557

800 լարիի չափով: Վրաստանի կառավարության հակաճգնաժամային տնտեսական ծրագրի համաձայն, 2021 թվականի հունվարից վարձու գործազուրկ քաղաքացիները ստանում էին ամսական 200-ական լարի օգնություն՝ 6 ամսվա համար:

Տեղեկության համար նշվում է, որ գործատուները, ովքեր գրանցվել են հունվար-փետրվար ամիսներին, իրենց ընկերություններում զբաղված գործազուրկ քաղաքացիներին փոխհատուցում տրամադրելու 6-ամսյա ժամկետը լրացել է օգոստոսին»,- ասված է հաղորդագրության մեջ:

ՖԻՆԱՆՍՆԵՐ

ԼԱՐԻՆ ԿԱՅՈՒՆԱՆՈՒՄ Է ԻՆՉՊԵՍ ԴՈԼԱՐԻ, ԱՅՆՊԵՍ ԷԼ՝ ԵՎՐՈՅԻ ՆԿԱՏՄԱՄԲ



Վրաստանի Ազգային բանկի հրապարակած զեկույցում նշված է, որ, հուլիսին լարիի պաշտոնական փոխարժեքը դոլարի նկատմամբ, միջին հաշվով, կայունացել է 3,1616-ից մինչեւ 3,1288 կամ 1,0 տոկոսով, իսկ եվրոյի նկատմամբ՝ միջինը 3,8111-ից մինչեւ 3,6993 կամ 2,9 տոկոսով: Ամսվա վերջին լարիի պաշտոնական փոխարժեքը դոլարի եւ եվրոյի նկատմամբ կազմել է, համապատասխանաբար՝ 3,1244 եւ 3,7174:

«Հուլիսին լարի-դոլար փոխարժեքի առավելագույն արժեքը 3,1659 էր, իսկ նվազագույնը՝ 3,0828: Ըստ այդմ, ամսվա ընթացքում միջին փոխարժեքից առավելագույն շեղումը կազմել է 1,2 տոկոս, մինչդեռ նվազագույնը՝ 1,5 տոկոս: Միջազգային արժուպային շուկաներում դոլարը եվրոյի նկատմամբ միջին հաշվով ամրապնդվել է 1,9 տոկոսով, ռուսական ռուբլու նկատմամբ՝ 1,8 տոկոսով եւ ադրբեջանական մանաթի նկատմամբ՝

0,1 տոկոսով, հայկական դրամի նկատմամբ միջին հաշվով արժեքը կազմել է 4,6 տոկոսով եւ թուրքական լիրայի նկատմամբ գործնականում մնացել է անփոփոխ»,- նշել են Ազգային բանկում:

Միաժամանակ, ըստ Ազգային բանկի, լարիի իրական արդյունավետ փոխարժեքը, նախորդ ամսվա համեմատ, ամրապնդվել է 2,4 տոկոսով, իսկ անվանական արդյունավետ փոխարժեքն ամրապնդվել է 1,6 տոկոսով:

ՎՐԱՍՏԱՆ - ՌՈՒՍԱՍՏԱՆ

«ՌՈՒՍԱՍՏԱՆԸ ՓՈՐՁՈՒՄ Է ԻՐԵՆ ՑՈՒՅՑ ՏԱԼ ԱՎԵԼԻ ԼԱՎ, ՔԱՆ ԵՎՐԱՄԻՈՒԹՅՈՒՆԸ»

Ռուսաստանը Վրաստանին եւս մեկ անգամ առաջարկեց վերականգնել դիվանագիտական հարաբերությունները: Համապատասխան հայտարարությանը սեպտեմբերի 1-ին, Ռուսաստանի նոր ուսումնական տարվա մեկնարկին նվիրված Մոսկվայի միջազգային հարաբերությունների ինստիտուտում անցկացված միջոցառմանը հանդես եկավ Ռուսաստանի արտաքին գործերի նախարար Սերգեյ Լավրովը: Վրաց քաղաքագետները սույն հայտարարությունն առնչում են հոկտեմբերի 2-ին անցկացվելիք տեղական ընտրություններին եւ Վրաստանի իշխանությունների հասցեին Արեւմուտքից հնչող քննադատությանը:

Լավրովի խոսքով, եթե Վրաստանը պատրաստ է Ռուսաստանի, որպես հարեւան երկրի հետ, նորմալ հարաբերությունների, ապա Մոսկվան հարաբերությունների վերականգնման կողմնակիցն է:


- Եթե Վրաստանը իրականում չի ցանկանում Ռուսաստանի խաղաքարտը օգտագործել Արեւմուտքի հովանավորության պահպանման համար եւ իրականում ցանկանում է մեզ հետ, որպես հարեւանի հետ նորմալ հարաբերությունների, ապա մենք ցանկացած պահին պատրաստ ենք,- ասաց Ռուսաստանի առաջին դիվանագետը:

Լավրովը հայտարարեց նաեւ, որ 2019 թվականին Ռուսաստանը ծրագրում էր Վրաստանի հետ անայցեզ-

րային պայմանակարգի հաստատում, բայց թբիլիսիում տեղի ունեցած հայտնի միջադեպից հետո, որոշումը փոխվեց:

- Մոտ մեկուկես տարի առաջ անգամ պատրաստ էինք Վրաստանի քաղաքացիների համար անայցեզային պայմանակարգի հաստատմանը, սակայն տեղի ունեցավ տիպիկ միջադեպ, կոպիտ սադրանք Ռուսաստանի խորհրդարանական պալլիարկության դեմ՝ Թբիլիսիում, միջխորհրդարանական ուղղափառ վեհաժողովի հերթական նիստի ժամանակ,- հայտարարեց Լավրովը:

Հակամարտությունների վերլուծաբան եւ նախկին պետնախարար Պաաստա Ջաքարեիշվիլին Լավրովի հայեցող պատրաստեց ՑՈՒԴԻ ԽՈՐԵՆՅԱԼԸ



ՎԱՎԵՐԱՑՎԵԼ Է 9,9 ՏՈԿՈՍԻ ՏՆՏԵՍԱԿԱՆ ԱՃ

Վրաստանի Ազգային վիճակագրական ծառայության նախնական գնահատականներով, 2021 թվականի հուլիսին, նախորդ տարվա նույն ժամանակահատվածի համեմատ, ՀՆԱ-ի իրական աճը կազմել է 9,9 տոկոս, մինչդեռ 2021 թվականի առաջին յոթ ամիսների միջին ցուցանիշը 12,2 տոկոս է:

Այս տարվա հուլիսին, նախորդ տարվա նույն ժամանակահատվածի համեմատ, աճ է նկատվել հետեւյալ ոլորտներում՝ ֆինանսական եւ ապահովագրական գործունեություն, արտադրություն, հյուրանոցներ եւ ռեստորաններ, տրանսպորտ եւ պահեստավորում, առեւտուր:

Նվազման միտում է նկատվել շինարարության եւ հանքարդյունաբերության ոլորտներում:

ԵՐԵՔ ԲԱՆՏԱՐԿՅԱԼԻ ՀԱՄԱՆԵՐՈՒՄ ՄԱՐԻԱՄՈՐԱՅԻ ՏՈՆԻ ԱՌԻԹՈՎ

Օգոստոսի 28-ին Վրաստանում նշվեց Սուրբ Աստվածածնի տոնը՝ Մարիամոբան:

Վրաստանի նախագահ Սալոմե Ջուրաբիշվիլին Մարիամոբա տոնի կապակցությամբ համաներման հերթական ակտն է ստորագրել եւ ներում շնորհել երեք դատապարտյալի:

Նախագահի աշխատակազմի փոխանցմամբ, դատապարտյալները քրեակատարողական հիմնարկից ազատ արձակվեցին հենց տոնի օրը:

350 ԵՎՐՈՅԻ՝ ՊԱՏՎԱՍՏԱՆ ԿԵՂԾ ՓԱՍՏԱԹՈՒՐՈ

Վրաստանի Պետական անվտանգության ծառայությունը (ՊԱԾ) ձերբակալել է յոթ քաղաքացու՝ պատվաստման փաստաթուղթ կեղծելու մեղադրանքով: Պետական անվտանգության ծառայության տվյալներով, չորս ձերբակալվածները պատրաստել են Pfizer-ով պատվաստման կեղծ վկայական, մյուս երեքը պատրաստել են Sinopharm-ով պատվաստման վկայական:

Հետաքննության տվյալների համաձայն, նշված անձանցից 4-ը պատրաստել եւ փոխանցել են Covid-19-ի դեմ պատվաստման մասին կեղծ փաստաթուղթ՝ 350 եվրոյի դիմաց: Երեք անձինք Վրաստանի քաղաքացուն փոխանցել են պատվաստման կեղծ վկայականներ 400 լարի գումարի դիմաց:

Գործը հետաքննում է Վրաստանի Պետական անվտանգության ծառայության Հակակոռուպցիոն գործակալությունը:

ՏԵՂԱԿԱՆ ԸՆՏՐՈՒԹՅՈՒՆՆԵՐ

ՆԱԽԸՆՏՐԱԿԱՆ ՔԱՐՈՋԱՐՇԱՎՈՐ ԱԽԱԼՔԱԼԱՔԻՈՒՄ ԵՎ ՆԻՆՈՇՄԻՆԴԱՅՈՒՄ



Հոկտեմբերի 2-ին անցկացվելիք տեղական ինքնակառավարման մարմինների ընտրությունների նախընտրական քարոզարշավի շրջանակներում, Ախալքալաքի եւ Նինոծմինդայի մունիցիպալիտետներում քաղաքապետի թեկնածուներ Մելքոն Մակարյանն ու Անի Մոսոյանը, մունիցիպալիտետների սակրեբուլոնների պատգամավորության թեկնածուների հետ հանդիպումներ են անցկացնում տեղի բնակիչների հետ:

Օգոստոսի 27-ին Ախալքալաքի քաղաքապետի թեկնածու Մելքոն Մակարյանը մունիցիպալիտետի Գոգաշեն-Հոկան համայնքում կայացած հանդիպմանը տեղացիներին ներկայացրեց այդ տարածքից սակրեբուլոյի մեծամասնական պատգամավորի թեկնածու Գուրամ Օբրոձեին, իսկ օգոստոսի 30-ին՝ Դիլիսկա, Պտեմա եւ Հունչխա գյուղերում տեղացիների հետ հանդիպմանը Մելքոն Մակարյանը ներկայացրեց սակրեբուլոյի պատգամավորության թեկնածու Նվեր Մոսոյանին:

Օգոստոսի 28-ին Նինոծմինդայի քաղաքապետի թեկնածու Անի Մոսոյանը նախընտրական քարոզարշավի շրջա-

նակներում հանդիպում ունեցավ մունիցիպալիտետի Սպասովկա, Օռլովկա, Գորելովկա, Եֆրեմովկա, Ժղանովկան եւ Սամբա գյուղերի բնակիչների հետ: Սեպտեմբերի 1-ին նման հանդիպում անցկացվեց նաեւ Նոր Խուլզումո, Փարվանա, Փոկա եւ Վաղմիրովկա գյուղերում:

Տեղացիների հետ հանդիպմանը, քաղաքապետի թեկնածուն ներկայացրեց անցած չորս տարիների ընթացքում իրականացված աշխատանքները եւ խոսեց ծրագրված նախագծերի մասին:

Ախալքալաքի եւ Նինոծմինդայի մունիցիպալիտետներում քաղաքապետների թեկնածուների եւ տեղի բնակչության հանդիպմանը ներկա էին Վրաստանի խորհրդարանի պատգամավորներ Սամվել Մանուկյանն ու Սմբատ Կյուրեղյանը, Ախալքալաքի եւ Նինոծմինդայի մունիցիպալիտետների նախագահներ Նաիրի Իրիցյանն ու Վահան Արոյանը:



ԻՐԱԿԼԻ ԿՈՐԱԽԻՋԵ. «ԸՆՏՐՈՒԹՅՈՒՆՆԵՐԻՆ ԿԱՊԱՀՈՎՎԻ ԱԶԱՏ ԵՎ ԻՐԱՎԱՀԱՄԱՐ ԸՆՏԱԿԱՆ ՄԻՋԱԿԱՅՐ»

Սեպտեմբերի մեկին «Վրացական երազանքի» կենտրոնական գրասենյակում կուսակցության նախագահ Իրակլի Կորախիձեն եւ «Երազանքի» ադխորիդի անդամները հանդիպում ունեցան ԵԱՀԿ-ի դիտորդական առաքելության ղեկավար Ալբերտ Յոնսոնի եւ առաքելության մյուս ներկայացուցիչների հետ:

Հանդիպմանը կառավարող թիմի ներկայացուցիչները միջազգային դիտորդներին հավաստիացրին, որ 2021 թվականի տեղական ընտրությունների համար «Վրացական երազանքը» կապահովի ազատ եւ իրավահավասար ընտրական միջավայր:



ՍՈՋԱՐ ՍՈՒԲԱՐԻ. «ԸՆՏՐՈՒԹՅՈՒՆՆԵՐԻՆ ՄԵՆՔ ԿՎԵՐՑՆԵՆՔ 50 ՏՈԿՈՍԻՑ ԱՎԵԼԻ ՁԱՅՆԵՐ»



Վրաստանի խորհրդարանի մեծամասնության անդամ Սոգար Սուբարին, մեկնաբանելով Շառլ Միշելի միջնորդության ծեւակերպված փաստաթղթի գլխավոր նպատակը երկրում քաղաքական լարվածության նվազեցումն էր:

Կուսից ավելի ծայրերի աջակցությունը: Նրա համոզմամբ, Շառլ Միշելի միջնորդությամբ ձեւակերպված փաստաթղթի գլխավոր նպատակը երկրում քաղաքական լարվածության նվազեցումն էր: - Քաղաքական լարվածության հիմնական ազդակը «Ազգային շարժումն» էր, քանի որ այն փաստաթուղթը չստորագրեց, որի արդյունքում «Վրացական երազանքը» այն չեղարկեց: Վրաստանի սահմանադրությամբ հաստատված է, որ տեղական ընտրությունները խորհրդարանական ընտրությունների վրա չեն ազդում: Տեղական ընտրություններին մենք կստանանք ընտրողների ծայրերի 50 տոկոսից ավելին: Դրանում համոզված եղեք, բոլոր հարցումներն այդ են վկայում,- հայտարարեց Սոգար Սուբարին:

ԿԱՆԱԼԱԲՈՒԶԻՋԵՆ ԵՎ ՌԵՎԱԶ ՍՈՒՍԱՋԵՆ ԱՅՅԵԼԵՅԻՆ ԹԲԻԼԻՍԻ ՍՈՒՐԲ ԳԵՎՈՐԳ ԵԿԵՂԵՅԻ



Կիրակոս վարդապետը եւ Կ. Լաբուշիձեն

Տեղական ինքնակառավարման մարմինների նախընտրական քարոզչության շրջանակներում, «Վրացական երազանք» կուսակցությունից մայրաքաղաքի Իսանիի շրջանային վարչության նախագահի պաշտոնակատար, մեծամասնական պատգամավորի թեկնածու Կախաբեր Լաբուշիձեն եւ Թբիլիսիի Սակրեբուլոյի Իսանիի-Սամգորիի շրջանի մեծամասնական պատգամավորի թեկնածու Ռեւազ Սոխաձեն այցելեցին Թբիլիսիի առաջնորդանիստ Սուրբ Գեւորգ եկեղեցի, հանդիպում ունեցան Վիրահայոց թեմի առաջնորդ Տեր Կիրակոս վարդապետ Դավթյանի հետ:

Հանդիպումներին թեմակալ առաջնորդը խոսեց իրենց Սուրբ Գեւորգ եկեղեցու, Վիրահայոց թեմի գործող եկեղեցիների, եկեղեցաշինության եւ թեմի խնդիրների մասին: Հյուրերը դիտեցին եկեղեցում պահպանվող կրոնական գրքերը, եկեղեցական իրերը, հետաքրքրվեցին Թբիլիսիում պատմական-թեմական թանգարանի թանկարժեք արձաններով:

Կախաբեր Լաբուշիձեն եւ Ռեւազ Սոխաձեն, մեկ անգամ չէ, որ այցելել են ինչպես Վիրահայոց թեմի Սուրբ Գեւորգ առաջնորդանիստ, այնպես էլ Հավլաբարի Սուրբ Էջմիածին եկեղեցիներ, ներկա գտնվել «Հայարտուն» կենտրոնի տարբեր միջոցառումներին: Վիրահայոց թեմի առաջնորդն իր օրհնությունը հղեց պատգամավորության թեկնածուներին եւ հաջողություններ մաղթեց առաջիկա ընտրություններում:



Կիրակոս վարդապետը եւ Ռ.Սոխաձեն

րեն գոյություն ունեցող, սակայն այսօր չգործող հայկական եկեղեցիների հարցերի, ինչպես նաեւ հայ հավատացյալների՝ եկեղեցու շուրջ համախմբվածության, ծիսական արարողություններին մասնակցության մասին:

Այնուհետեւ Կախաբեր Լաբուշիձեն եւ Ռեւազ Սոխաձեն Տեր Կիրակոս վարդապետ-

ԷԿՈՆՈՄԻԿԱ ԵՎ ՍՈՑԻԱԼԱԿԱՆ ՈԼՈՐՏ

ԳՈՐԾԱԴԻՐՆ ԸՆԴԱՅՆՈՒՄ Է ԳՈՐԾԱՐԱՐՆԵՐԻՆ ԵՎ ՍՈՑԻԱԼԱԿԱՆ ԱՌԱՆՁԻՆ ԽՄԲԵՐԻՆ ՑՈՒՑԱԲԵՐՎՈՂ ՕԳՆՈՒԹՅԱՆ ԾՐԱԳԻՐԸ

Կորոնավիրուսի համավարակով պայմանավորված սահմանափակումների արդյունքում տուժած գործարար սուբյեկտներին եւ առանձին սոցիալական խմբերին նյութական օգնության ցուցաբերման նպատակով, Վրաստանի կառավարությունը նախաձեռնում է նոր ծրագրեր եւ մշակակալի ընդլայնում արդեն իսկ գործող պետական ծրագրերի շրջանակները:

ՆՈՐ ՆԱԽԱԳԾԵՐ՝ «ԱՐՏԱԴԻՐԻ ՎՐԱՍՏԱՆՈՒՄ» ՊԵՏԱԿԱՆ ԾՐԱԳՐՈՒՄ

Վրաստանի էկոնոմիկայի եւ կայուն զարգացման նախարար Նաթիա Թուրմալան հայտարարեց, որ կառավարությունը որոշում է ընդունել, ըստ որի, «Արտադրի՜ր Վրաստանում» ծրագրին կավելանա չորս նոր բաղադրիչ, որոնք շահառուներին հասանելի կլինեն սեպտեմբերի 1-ից:

«Սուբսիդավորվող հիփոթեք». պետական ծրագիրը նպատակ ունի բարելավել բազմազավակ ընտանիքների կամ նորածին երեխա ունեցող ընտանիքների կենսապայմանները: Բացի այդ, ծրագիրը ծառայում է անշարժ գույքի նկատմամբ պահանջարկի խթանմանը:

- «Բիզնես Յունիվերսալ». ծրագրի նպատակն է գարգացնել ձեռնարկատիրությունը Վրաստանում, աջակցել ձեռնարկատերերին: «Բիզնեսի արտահանում». ծրագրի նպատակն է մեծացնել երկրի արտահանման ներուժը եւ աջակցել Վրաստանում ձեռնարկատիրական գործունեությանը՝ ընդլայնելով եւ վերագիծելով նոր կամ գոյություն ունեցող ձեռնարկությունները, աջակցելով ձեռ-

նարկատերերին եւ ներմուծվող ապրանքները տեղական փոխարինելուն: «Ագրո եւ Էկո-տուրիզմի զարգացում». ծրագրի նպատակն է նպաստել Վրաստանում ագրո եւ էկոտուրիզմի զարգացմանը,- ասաց Նաթիա Թուրմալան եւ հավելեց, որ «Արտադրի՜ր Վրաստանում» ծրագրի նոր միջաճերի օգնությամբ, այս եւ հաջորդ տարի կօգտվի մոտ 1300 բիզնես սուբյեկտ:

ՄԵԿՆԱՐԿԵՑ ՀԻՓՈԹԵՔԱՅԻՆ ՎԱՐԿԵՐԻ ՍՈՒԲՍԻԴԱՎՈՐՄԱՆ ԾՐԱԳԻՐԸ

Սեպտեմբերի 1-ից Վրաստանում մեկնարկեց բազմազավակ կամ նորածին երեխա ունեցող ընտանիքների հիփոթեքային վարկերի սուբսիդավորման ծրագիրը: Ներկայացնելով սուբսիդավորման ծրագրի կառավարության նախաձեռնությունը՝ Նաթիա Թուրմալան հայտարարեց, որ նորածին կամ երեք եւ ավելի անչափահաս երեխա ունեցող ընտանիքների հիփոթեքային տոկոսադրույքների սուբսիդավորման ուժի մեջ մտած ծրագիրը հնարավորություն կտա ընտանիքներին բարելավել իրենց պայմանները: Վարկի գումարը կկազմի 200 հազար լարի, եւ պե-

տությունը կհամաֆինանսավորի այն 5 տարի ժամկետով: Նորածին ունեցող ընտանիքների համաֆինանսավորումը կկազմի վարկի տոկոսադրույքի կեսը, իսկ բազմազավակ ընտանիքներինը՝ 2/3-ը:

Ինչ վերաբերում է չափորոշիչներին, ինչպես նշված է կառավարության հաստատած ծրագրում, սուբսիդավորումից կարող են օգտվել՝

* Ընտանիքը /միայնակ ծնողը/ այրին, եթե վարկ ստանալու պահին ունի մինչեւ 1 տարեկան երեխա, որը ծնվել է 2021 թվականի սեպտեմբերի 1-ից հետո:

* Ընտանիքը /միայնակ ծնողը/ այրին, եթե վարկ ստանալու պահին ունի 3 կամ ավելի երեխա եւ այս ծրագրի շրջանակներում վարկ կվերցնի մինչեւ 2022 թվականի սեպտեմբերի 1-ը ներառյալ:

* Ընտանիքը /միայնակ ծնողը/ այրին, որը որդեգրել է երեխա 2021 թվականի սեպտեմբերի 1-ից հետո:

Էկոնոմիկայի նախարարությունում մշտեցին, որ ծրագրի շրջանակներում հիփոթեքային վարկերը տրամադրվելու են միայն ազգային արժույթով, այն տրվելու է առեւտրային բանկի կողմից՝ նոր կամ օգտագործված բնակարան /տուն գնելու կամ սեփական տուն կառուցելու համար:

